



II, 45.^ω

2. 2. MS

#) 1, 216. f.

M. und Richtigkeiten zw. 1-26 fast nie
fragen.

XV

15.

xvi.

15

III, 352.

Wahrhaftige
Zeitungen: aus dem
Feldlager

bey Bengen / Vom funffzehnen=
den / bis in den zwenzig=
sten tag Octobris.



Anno XLVI.

132

Wunderliche
geheimnisse : eine Ode

Stolper

der Götter und Menschen
den in die in den Himmel
himmel Ode.

§

Stille XLVI.



Warhafftige Zeitungen / aus dem
Feldlager bey Sengen / den xv.
Octobris.

Der Feind beweiset alle seine
Künheit inn dem / das er die ar-
men Leute brennt / Weib vnd
Kind schendlich vnd jemerlich
schenden / armen Kindern / vnd sonderlich
Kleinen Meidlin / von x. vnd xij. jaren / die
sich vor der vnmenschlichen handlungen / die
man mit jnen hat pflegen wollen / entsetzt /
den hat er hende vnd fässe abhawen / auch
schwangeren Weibern / die fruchte abtreiben
lassen.

Vnd wil sich der Feind vber vnser al-
les teglichs Scharmürzeln / dadurch wir
jne zur Schlacht haben reizen wollen / mit
vns nicht schlagen / Sondern ist abermals
fur vns / mit seinem Lager auffgebrochen
vnd abgezogen.

Vnd als wir Morlingen entsetzt ha-
ben / vnd Tonnewerde vorlassen / doch ij.

A ij Fenlein

Fenlein Knechte darinne gehabt / hat er die
Stad Tonnewerde durch eine vorreterey /
ezlicher Burgermeister / die jme die Stad
geoffent / eingenomen / vnd förder nach
zweien Stedlin Tillingen vnd Lawingen
gezogen / dieselben auch eingenomen / dann
Tillingen gar nicht besetzt / vnd ein offen vnd
vnfester Fleck gewest. // So hat sich mit
Lawingen auch ein selzamer handel zuge-
tragen / das vnser Oberster einer funff Fen-
lein Knechte / die wir darinne ligen gehabt /
daraus gefurt / vnd das Stedlein auch le-
dig stehen lassen / derhalben es erobert wor-
den.

Als ist er gleich fort gezogen / vnd hat
im sinn gehabt / ehe wir jne widderumb er-
ziehen würden / die Stad Ulm zubelegern /
vnd dieselbe einzunemen.

Als vns aber dieselbe kunt schafft ein-
komen / seind wir von Morlingen ausgezo-
gen / vnd jme vorgebeuget / vn̄ einen ganzen
tag vnd nacht gezogen.

Vnd wie wir inn der nacht ins Lager
eine meil von Lawingen komen / haben vnser
re Reuter / einen Kayserischen gefangen / der
hat:

hat vns angezeigt / das der Kayser von
Lauringen vorruckt / Vñ weiter bericht / wo
der Kayser sein Lager hat / vnd wie er sich
vmb die Stad Gengen angenommen / vnd
dieselbe berennen lassen.

Als seind wir gestern früe auffgewest / vñ
hat mein gnedigster Herz / der Churfürst zu
Sachsen zc. etwan den vorzug gehabt / vñ
den negsten / zu ime auff Gengen zugezogen.

Als ist er gleich inn seinem Lager auff
gewest / vnd vor Gengen ziehen wollen / hat
aber sich vnser nicht vorsehen gehabt / Vnd
wie wir nahend / kaum ein viertel meil von
Gengen komen / ist sein / des Feindes vorzug
auch dafur gezogen / Im selben vorzuge / sol
gewest sein / der Hertzog von Macedonien /
ein Welscher / vnd etzliche Keisigen / des von
Bewren gesinde.

Als wir derselben inne worden / haben
die vnsern mit jnen einen Scharmützel an
gefangen / welcher fast inn die anderthalbe
stunde geweret / vnd als sich derselb auff
des Feindes seiten gesterckt / hat M. gnedig
ster Herz eigener person mit seinen Keutern
fortgeruckt / vnd einen Berg eingenomen /

A iij. auch

auch etzlich Feldgeschütz darauff bracht /
etzliche schüsse inn sie thuen lassen.

Als haben die Kayserischen von stund
an die Flucht geben / wie wir das gesehen /
haben wir mit jnen drauff gehawen / sie zum
teil erritten vnd etzliche erschossen / vnd er
stochen.

Wie er das weise worden / hat er mit
allem hauffen vber ein Brücklein geeilt / vnd
abermals ein Wasser / die Brentz genant /
vor sich genomen / damit wir nicht zu jme
komen möchten / hat sich besorget / wir mös-
chten diesen tag schlagen / Aber wir haben
weiter nicht fort drucken können / dann ein-
mahl haben wir vber das Wasser zu den
Feinden nicht komen können / So ist auch
der Landgraff mit dem Nachzuge fast auff
eine halbe meile nicht bey vns gewesen / Der
halben haben wir vnser Lager bey Bengen
geschlagen / vnd heut diesen tag stille gele-
gen.

Wir haben aber die vnsern dis heuti-
gen tags / mit dem Feinde Echarmützel
lassen / die seind mit den Feinden / bis an
des Feindts Lager gerant / derselben viel
erstochen

erstochen vnd gefangen / vnd ist Gott lob
widder Gestern noch Heute / auff vnser seiten
kein Mensch tod blieben / Aber auff
des Feindts seiten / sollen gestern bis inn r.
Edelent / Meckelburger vnd Sechsische
Reuter / one die andern / tod blieben sein.

Itzo / wie ich diesen Brieff geschrie-
ben / hat der Feindt bösslich angefangen
vmb sein Lager zubrennen.

Augsburg vnd Ulm seind wol besetzt /
So hat der Herzog von Wirtemberg / sein
Landvolck auff geboten / hoffe zu Gott inn
wenig tagen / werde er seine gnade geben.

Eben wie ich diesen Brieff zugemacht
vnd vberschicken wolte / hat sich ein Schar
mügel im Felde von beiderseits / des Feindts
vnd vnsern Reutern zugetragen / also / das
die Feind einen Berg eingenomen / vnd fast
inn drey tausent Hackenschützen in ein Holz
gesteckt / Danu die vnsern / der Feind auff
dem Berge inne worden / haben sie zu jnen
gesetzt / sie vom Berge weg gejagt / daruber
die Hackenschützen aus dem Holze gelauffen
vnter die vnsern geschossen / dergleichen
sich die vnsern zu jnen wider gewand / vnd
auch nicht gesummet. Und

101
Vnd ist solcher Scharmützel so heff-
tig angefangen / das man in beiden Lagern /
der Feind inn dem seinen / vnd wir inn dem
vnsern / mit aller macht auffgewest / vnd zus-
samen gezogen / auch das grosse geschütze jeh-
gen einander bracht / vnd hefftig zusammen ge-
schossen / vñ hat Gott lob / vnser geschütze in
des Feindts Reuter ezliche schüsse wol tro-
ffen / Aber sein geschütze jegen vns / fast alles
zu hoch gangen / vnd mit dem grossen ge-
schütz auff vnser seiten / nicht mehr dann
zween Reifige Knechte / aber gleichwol viel
Genle in die pl. erschossen / haben also alle ni-
cht anders gemeint / es solte zu einer Heubt-
schlacht geraten sein.

Es hat aber der Feind / etwan das
Wasser / wie am fordern tage eingenomen /
das wir vber das Wasser zusammen nicht ha-
ben kommen können / vnd ist der Feind lez-
lich vor vns / widder abzogen.

Vnd wiewol ich eigentlich nicht wis-
sen kan / wie viel jr tod blieben seind / dann
wir heut spate widder ins Lager kommen /
So achte ich doch / das jr auff des Feindes
seiten fast inn die funffhundert tod blieben /
darunter

Darunter seind treffliche stadliche Leute /
inn vorguldem Harnisch / vñ zum teil in gül-
den stücken vñ sammet Röcken / viel gülden
Ketten vnd Ringen / erschossen vnd ersto-
chen worden.

Es wirdet aber die zeit geben / wer sie
gewest seind / Auff vnser seiten seind etliche
Sackenschützen auch tod blieben / aber doch
nicht viel.

Gott der allmechtige wolle fürder
auff vnser seiten / sein gluck vnd heil geben /
das wir vnsern Feind schlagen / vnd vber-
winden / ehe wir zum Winterlager greiffen /
vnd von einander ziehen / Amen. Datum
im Feldlager vor Bengen / den xv. Octo-
bris :M. D. XLvj.

Hanibal Guarinus ein Italianni-
scher Herz / welcher am tage Galli im
Scharmützel gefangen worden.

Sagt erstlich / der Kayser habe sieben
tausent Spanier / Sieben tausent Italia-
ner / Sieben tausent Deudschen / so er erst-
lich fur Ingelstadt gehabt / dauon weren a-
ber nuhmals vber sechs tausent tod / vnd
B darnach

Darnach neun tausent Knechte / so mit dem
von Beroren komē / dis sey alles sein Krigs
volck zu f. i. s. / Darnach habe er nicht mehr
als zehen tausent zu Ross / allezusamen mit
Spanern / Italianern / vnd Deutschen.

Sagt / der von Beroren / vnd der Herz
zog von Alba / welcher ein Oberster vber
den ganzen hauffen ist / sein gestern selbst mit
im Felde gewesen / er habe sie auch gesehen.

Sagt auch / das der Kayser sey darumb
vor vns zu Norlingen abgezogen / gemeint /
wir würden wider nach Tonnewerde / vnd
denselben Flecken / ziehen / dieselben wider ein
zunemen / Als denn wolte er sich vor Ulm
gelegt haben / die weil wir aber hie herkemē /
sey er nicht willen sich numehr vor Ulm zu
legen / Sondern gedencke do stille zuligen /
vnd zusehen / was wir machen wollen / Es
habe auch der Keiser den gestrigen Schar /
mützel angefangen / die schmach zu rechnen /
das wir jne am dornstage wider zurückt ge
trieben / vnd ins Lager gejagt haben / damit
desselben tages sol solchs den Kayser so sehr
verdrossen haben / das er jne selbst mit dem
Feusten in Bart gefallen vnd geraufft.

Sagt

Sagt auch / das der von Bewren wid /
der den Kayser gesagt habe / wo er nicht
schlahen / wolte er widderumb heimziehen.

Spricht auch / es habe den Kayser vbel
gerewet / das er diesen handel angefangen
habe.

Sagt weiter / das er von des Kayfers
geheimen Rethen einem gehort / das er ge
sagt / der Kayser habe thörlich gethan / das
er sich vnterstanden / die Deudsche Nation
zuschwechen / dadurch er doch alle andere
Lender bekriegeret habe.

Er sagt auch / das er vor des von Ma /
drutzsch gezelt / von einem gehort habe / wir
theten vnrecht / das wir widder den Kayser
handelten / da sey einer dabey gestanden / ih
nen gestrafft vn̄ gesagt / hette sich der Babst
nicht ins spiel gemenget / so weren sie wol ge
horsam gewest / vnd nicht wider jne gethan.

Sagt / Er wolte ein gros verwet
ten / es werde in xx. tagen / kein Italianer
mehr beim hauffen sein.

Sagt / das geschrey sey im Kayserisch
en Lager / der Kayser werde zwischen Mar
tini im Felde bleiben.

B ij Sagt

Sagt auch / er habe gehört / der Babst
wolte dem Kayser kein gelt mehr schicken /
dann er besorget sich / so der Kayser geschla-
gen were / würde er auch geschlagen sein /
derhalben halte er an sich / vnd wolte dem
Kayser nichts mehr helfen.

Signatum den xvij. Octobris.

M. D. XLvj.

Zeitung seind dieses tages aus Mey-
land kommen / das der Kayser alles ein-
komen inn Meyland / dem Babst zustendig /
hat arestiren lassen / darumb / dann ob er
wol auff die Bundnis / jine das Welsche
Kriegsvolck geschickt / So hat er doch das
selbe auch bezalen sollen / das were nicht ge-
schehen / darumb wolte sich der Kayser
selbst bezalen.

Den xix. Octobris.

Dinstag nach Galli / welcher ist der
xix. Octobris / Ist am Himel bey dem sieben
Gestirne in Tauro / ein Comet / zwischen des
Kayfers vnd Unserm Lager / von sehr viel
Leuten gesehen worden / der hat den Schwanz

wanß nach des Kayfers Lager gehengt /
was es bedent / wirdet das werck beweisen /
Gott gebe auff vnser seyten / mit gnaden.

Mitwoch hernach den xx. Octobris /
haben die vnsern abermal einen gewaltigen
Scharmützel mit den Kayserischen gehalten
ten / Der Welschen in die drey hundert er
stochen / vnd erschossen / Inen xl. Maul
esel vnd bey hundert Pferden genomen / Vñ
seind also in obberürten Scharmützeln in
vier tagen / der Hispanier / vnd Italianer
mehr dann acht hundert erlegt worden / der

Allmechtige gebe das den andern / die
beim Hauffen noch sein / auch als
so geschehe / vnd jrer kei
ner sein Vaterland
wider beschaw
en müsse.

Datum xx. Octobris
M. D. XLvj.

B ij

Handwritten text, likely bleed-through from the reverse side of the page. The text is mirrored and difficult to decipher but appears to contain several lines of a medieval manuscript.

~~9~~
1849

ULB Halle 3
004 778 448



W.D.

D

M.O.







xvi. 15
III, 352.

Wahrhaftige
zeitungen: aus dem
Feldlager
bey Bengen / Vom funffzehnen=
den / bis in den zwenzig=
sten tag Octobris.

Anno XLVI.

